



Inatsisartunut ilaasortaq
Lars Poulsen

Kulusummi uuliamik kuuttoqarnera pillugu § 37 naapertorlugu apeqquteqaammut nr. 91-2023-mut akissut

Asasara Lars Poulsen

Inatsisartut suleriaasianni § 37 naapertorlugu Kulusummi uuliamik kuuttoqarnera pillugu apeqquteqaammik Naalakkersuisunut saqqummiussaqaqputit. Apeqqutitit uannit akisassanngorlugit innersuunneqaqput.

1. Kulusummi solaari 120.000 literi kukkuluttornikkut maanngaanaq kuutsinneqarnerata kingorna, pineqartoq pillugu avammut nalunaarutigineqartartut naapertorlugit, suliaq ullumikkut sumut killippa?

Akissut: Uuliamik kuuttoqarnerata kingunerisaanik Nunalerinermut, Imminut Pilersornermut, Nukissiutitut Avatangiisinullu Naalakkersuisoqarfik Mittarfeqarfinnut nalunaaruteqarpoq, Mittarfeqarfiit nunamut immamullu kuuttoqarnerani tassanngaannartumik siunissamullu ungasissumut kingunerisassanik annikillititsiniarlutik erngerlutik iliuuseqaqqullugit. Kiisalu ilisimatitsissutigineqarsinnaavoq, Mittarfeqarfiit *avatangiisit innarlitsaaliorneqarnissaanik Inatsisartut inatsisaani nr. 9-mi, 22. November 2011-meersumi § 15, imm. 1-imik kiisalu § 37, nr. 2-mik* unioqutitsisimanerat pillugu politiitunut unnerluussutigineqarmata.

Peqqussutip malinneqarnissaa pillugu Naalakkersuisoqarfiup aamma Mittarfeqarfiit akornanni ingerlaavartumik oqaloqatigiittoqarpoq. Mittarfeqarfiit kingullermik 2023-mi aprilimi sumiiffimmi mingutsitsinerup misissuiffigineqarnera kiisalu pinaveersaartitsinissamut periarfissat pillugit isummernissamut tunngavissiorput. Tamanna peqqussuteqarnermut naapertuuppoq.

2. Maannamiit iluarsisuteqarniarluni pisortat qanoq pilersaaruteqarpat, aamma qaqugu suliaq naammassissangatinneqarpa qanorlu periuseqartoqarniarpa?

Akissut: Naalakkersuisoqarfiup suliami matumani avatangiisinut oqartussaasutut Mittarfeqarfiit ingerlaavartumik oqaloqatigai. Mittarfeqarfiit uuliap kunneranut pisuupput, aammalu Mittarfeqarfiit mingutsitsinerup isumagineqarnissaanut akisussaasuupput, tassungalu peqqussutip naammassineqarnissaanut iliuusissat pisariaqartinneqartut aallartinneqarnissaat ilaatinneqarpoq. Tunngaviusumik

Allakkap ullua: 10-05-2023
Suliap normua: 2023 - 11624
Allagaatip ilisarnaataa:
22958496

Postboks 1614
3900 Nuuk
Oqa. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

mingutitsisoq akiliisussaavoq, taamaattumillu Mittarfeqarfiit suliap
naammassinissaanut aningaasanik nassaarniartussaapput. Mittarfeqarfiit 2023-mi
aasakkut mingutsitsinermik misissuinissamik pinaveersaartitsissutaasunillu
iliuuseqarnissamik pilersaaruteqarput.

Inussiarnersumik inuulluaqqusillunga

Kalistat Lund